



## **Votaziun cantunala dils 12-03-2023 mira pagina 3 da quest FUS**

**L'urna ei aviarta** (en canzlia communal)  
gievgia e venderdis mintgamai duront las uras da spurtegl  
dumengia, ils 12-03-2023, dallas 10.00 – 11.00 uras

**Sonda e dumengia, ils 11 e 12 da mars 2023 mintgamai avon il survetsch divin en las fracziuns.**

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

### **Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 10-03-2023

*Biro electoral*

### **Damonda da baghegiar**

Nr. 12/2023

Datum da publicaziun: 10-03-2023  
Patrun: Bundi Tarzisi, 7173 Surrein  
Liug e parcella: Surrein-Via Plazzas; 1230  
Object: spazzar cumpart clavau e reconstruir in luvratori

Nr. 17/2023

Datum da publicaziun: 10-03-2023  
Patrun: Bundi Moreno, 7173 Surrein  
Liug e parcella: Surrein-Via Plazzas; 1228  
Object: sanaziun ed engrondaziun dalla casa e sanaziun dil tetg

Nr. 32/2023

Datum da publicaziun: 10-03-2023  
Patrun: Tuor Werner, 7175 Sumvitg  
Liug e parcella: Sumvitg-Plaun da Crusch; 4124  
Object: remplazzament da finiastras

Nr. 33/2023

Datum da publicaziun: 10-03-2023  
Patrun: Lapis Global GmbH, 5600 Lenzburg  
Representant: Coray Capaul architectura, 7180 Disentis/Mustér  
Liug e parcella: Sumvitg-Via Sursilvana; 4841  
Object: montascha d'in indrez fotovoltaic

Nr. 35/2023

Datum da publicaziun: 10-03-2023  
Patrun: Lombriser Christina, 7172 Rabius  
Representant: Biro d'architectura Tomaschett / Alig, 7130 Ilanz/Glion

Liug e parcella: Rabiun-Via Sursilvana; 5057  
Object: sanaziun parziala dalla casa ed ina nova canal dil tetg

Nr. 33.1/2022 midada da project  
Datum da publicaziun: 10-03-2023  
Patrun: Castiglioni-Pfrunder Michael, 8610 Uster  
Representant: Cahannes Architektur, 7157 Siat  
Liug e parcella: Sumvitg-Via Crest da Cauras; 4110  
Object: construcziun d'ina annexa, adattaziun dall'entrada e construcziun d'ina bargia

Il profils ein tschentai ed il plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg 10-03-2023

*Cumissiun da baghegiar*

### **Annunzias da baghegiar**

All'istanza da baghegiar ei sin fundament dil art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### **Nr. 16/2023**

Duff Gieri, 7175 Sumvitg; rumir las restonzas dil barschament dil baghetg nr. 603 sin parcella nr. 4205 a Sumvitg-Salvaplana.

#### **Nr. 19/2023**

Candinas Marcus, 7172 Rabiun; nova canal dil tetg e nova ligadura dils mirs dil baghetg nr. 446 sin parcella nr. 132 a Rabiun-Caltgera.

#### **Nr. 20/2023**

Beer-Giger Silvia, 7166 Trun; remplazzament da ziaghels dil baghetg nr 292B sin parcella nr. 6559 a Surrein-Acla Gion Tumaisch.

#### **Nr. 22/2023**

Cathomas Gion Paul, 7175 Sumvitg; stuschar scala existenta ed ulivaziun da terren sin parcella nr. 3942 a Sumvitg-Quadras Su.

#### **Nr. 23/2023**

Stadler Hubert e Monika, 7180 Mustér; remplazzament dalla seiv sin parcella nr. 4969 a Cumpadials-Pardomat Dado.

#### **Nr. 24/2023**

Bearth Ervin e Lisa, 7172 Rabiun; remplazzament dallas finiastras dil baghetg nr. 691B sin parcella nr. 265 a Rabiun-Sutvitg.

#### **Nr. 25/2023**

Decurtins Hubert, 7175 Sumvitg; remplazzament dil scaldament central dil baghetg nr. 7 sin parcella nr. 4142 a Sumvitg-Quadras Sut.

#### **Nr. 27/2023**

Schmied Wolfgang e Rosmarie, 7172 Rabiun; remplazzament dallas finiastras e dils barcuns dil baghetg nr. 514 sin parcella nr. 201 a Rabiun-Via Sursilvana.

**Nr. 28/2023**

Decurtins Ivo, 7175 Sumvitg; nova ligiadira dallas fatschadas dil baghetg nr. 26 sin parcella nr. 1528 a Sumvitg-Cadruvi.

**Nr. 31/2023**

Tuor Werner, 7175 Sumvitg; niev tschabergal sin tetg dil baghetg nr. 212D sin parcella nr. 4973 a Sumvitg-Plaun da Crusch.

Sumvitg, 10-03-2023

*Cumissiuin da baghegiar*

**Cartas dil di**

Las Viasfier federalas svizras vegnan naven dils 01-01-2024 buca a cuntinuar cun la vendita dallas cartas da viagiar dil di per vischnaucas ella fuorma dils davos onns. La fuorma d'ina semeglionta carta ei vegnida presentada l'entschatta fevrer 2023 alla publicitad. Davart il niev sistem vegn l'administraziun communal ad informar a dretg temps.

Igl abbonament dalla vischnaunca da Sumvitg per duas cartas da viagiar dil di scada cun la fin da zercladur 2023 ed igl ei buca pusseivel da prolungir igl abbonament sulettamein pils sis meins restonts entochen la fin 2023. Consequentamein vegn la vischnaunca da Sumvitg a vender naven dil fenadur 2023 mo pli ina carta per di. Nus supplichein per enconuschientscha ed engraziein per Vossa capientscha.

Sumvitg, 10-03-2023

*Suprastonza communal Sumvitg*

**Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 10-03-2023

*Departament traffic*

**Lenna da brisch 2023**

La vischnaunca da Sumvitg offerescha a vischinas e vischins la cumpra da lenna da brisch sco suonda:

**Pégn**

Igniu, Siltginas, Clavadi

55.00 frs/m<sup>3</sup>

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl uffeci forestal Sumvitg, Via Quadras Su 10, 7175 Sumvitg, ni e-mail: [uffeci.forestal@sumvitg.ch](mailto:uffeci.forestal@sumvitg.ch), ni per telefon (081 920 25 06). Las empustaziuns ston succeder entochen sil pli tard venderdis, ils **31 da mars 2023**.

Bien engraziament per Vossa empustaziun.

Sumvitg, mars 2023

*Il selvicultur da revier  
Beat Cadruvi*

## **Uniun da catschadurs Greina**

**Invitaziun alla radunonza generala, venderdis, ils 10-3-2023**, allas 20.00 ell' Ustria Miraval, Sumvitg. Bugen envidein nus tei alla radunonza cun las suandontas tractandas:

### **Gliesta da tractandas:**

1. Beinvegner ed appel
2. Elecziun da dus dumbravuschs
3. Approbaziun dalla gliesta da tractandas
4. Protocols:
  - radunonza generala
  - radunonza avon catscha
5. Rendaquen:
  - cassa dall'uniun
  - cassa da tgira
6. Fixar las contribuziuns annualas
7. Rapports annuals:
  - president
  - cau da tgira
8. Mutaziuns
9. Elecziuns:
  - president
  - cassier
  - chef da material
  - substitut cau da tgira
  - 2 revisurs da quen
10. Program annual
11. Proposta catscha da camutschs district 1
12. Orientaziun da catscha entras nies guardiaselvaschina Andriu Degonda
13. Varia

Nus selegrein gia ussa da seveser cun Tei a caschun da nossa radunonza generala. Per ulteriuras damondas stat president Beni bugen a disposiziun: Beni Cathomas, Via Davos-Baselgia 18, 7031 Laax, Tel. 079 406 70 33

## **Societad da tir Vial Sumvitg**

Invitaziun alla radunonza generala che ha liug **venderdis, ils 17 da mars** en l'ustria dalla Staziun Sumvitg allas 20.00. Cordialmein envida *la suprastonza e cumissiun da tir Societad da tir Vial Sumvitg*

## **Uniun da dunnas Vinavon**

**Radunonza generala, ils 11-3-2023** allas 20.15 ell'Ustria dalla staziun Sumvitg. L'entschatta dein nus cun in gustus aperitiv allas 19.30. Siluenter suonda la radunonza generala.

### **Gliesta da tractandas:**

1. Beinvegner ed appel
2. Elecziun da duas dumbravuschs
3. Approbaziun dil protocol
4. Finanzas
5. Fixar la contribuziun annuala
6. Rapport
7. Proposta dad activitads 2023/2024
8. Orientaziuns
9. Varia

Nus selegrein sin stedia participaziun. Novas commenbras da lunsch e da maneivel ein cordialmein envidadas. Cun amicabels salidsTscha curascha *Nicole, Cornelia, Sonja, Barbara e Lisetta*

## **Uniun SumvitgViva**

Cuors da tagliar plontas cun SumvitgViva Sonda, gl'1. d'avrel 2023 meina l'uniun SumvitgViva atras in cuors da tagliar plontas. Per commembers e commembras da noss'uniun ei la participaziun gratuita. Per ils ulteriurs interessai cuosta il cuors. Annunzias prendin nus bugen encunter entochen ils 25 da mars 2023 sut [info@sumvitgviva.ch](mailto:info@sumvitgviva.ch). Dapli informaziuns anfleis vus sut nossa pagina [www.sumvitgviva.ch](http://www.sumvitgviva.ch).

## **Uniun samaritana Sumvitg-Trun**

Cuors d'emprem agid

L'uniun samaritana Sumvitg-Trun meina atras a Trun mardis, ils 21 da mars 2023 dallas 18.30–20.30 e sonda, ils 25 da mars 2023 dallas 8.00–12.00 e dallas 13.30–17.30 il cuors d'emprem agid. Annunzias prendin nus bugen encunter sut tel. 079 227 40 37.

## **Casa S. Martin Trun**

La Casa s. Martin a Trun, envida parents ed enconuschents da nossas cussadentas e nos cussadents sco eravischinas e vischins da lunsch e da maneivel all'usitada «stiva da caffè». Mira sut Trun!

## **Cuors fundamental per pescadurs giuvens/entschaviders 2023**

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possessur da'acquistar il patent da pescar el cantun Grischun ed en l'entira Svizra, nua ch'il „SANA“ vegn pretendius. Ils cuosts muntan a fr. 75.-- ed includan il gentar cun bubrondas senza il material da scolaziun. Il cuors ha liug:

### **Sonda, ils 15 d'avrel 2023 en l'aula dalla scoletta a Curaglia**

L'annunzia saveis Vus far sut l'adressa [www.anglerausbildung.ch](http://www.anglerausbildung.ch) ni directamein tiel president dall'uniun Placi Flepp 079 406 74 16. Il material da studi anfleis Vus sut [www.anglerausbildung.ch](http://www.anglerausbildung.ch). *Uniun da pescadurs Rein-miez*